

## II

Sredstva iz tačke I ove odluke uplatit će se na sljedeći način:

Iznos od 3.700,00 KM Udruženju dijabetičara Kantona Sarajevo, Ul. Štrosmajerova br. 3, Sarajevo, ID broj 4200623710002, broj transakcijskog računa 3383202250425908, otvoren kod Unicredit banke dd Sarajevo, u svrhu podrške rada udruženja u 2024. godini;

iznos od 3.600,00 KM JU Druga gimnazija Sarajevo, ul. Sutjeska br. 1, Sarajevo. ID broj 4200145800009, Budžet Kantona Sarajevo, razdjel 21030002, u svrhu sufinansiranja učešća učenika JU Druga gimnazija Sarajevo na Četvrtoj STEM olimpijadi;

iznos od 14.000,00 KM Udruženju Pokret "Majke enklave Srebrenice i Žepe", ul. Nedima Filipovića br. 17, Sarajevo, ID broj 4200627620008, broj transakcijskog računa 1346601006880650 otvoren kod ASA banka dd Sarajevo, u svrhu podrške za nabavku računarske opreme za učenike i studente iz povratničkih porodica; iznos od 3.700,00 KM PSK "Prijatelj Prirode" Sarajevo, Planinarska kuća na Malom polju b.b.. Hadžići, ID broj 4200772800006, broj žiro računa 1610000017950055, otvoren kod Raiffeissen bank dd, u svrhu podrške manifestaciji "Susret planinara osnovaca Sarajeva".

## III

Sa korisnicima sredstava iz tačke II Kabinet premijera zaključit će ugovor kojim će se precizirati međusobna prava i obaveze ugovornih strana.

U skladu sa članom 10. stav (6) Zakona o izvršenju Budžeta Kantona Sarajevo za 2024. godinu korisnik sredstava dužan je dostaviti izvještaj o namjenskom utrošku sredstava sa odgovarajućom dokumentacijom u roku od 15 dana od dana utroška sredstava.

## IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-4803-1/24  
16. februara 2024. godine  
Sarajevo

Premijer  
**Nihad Uk, s. r.**

**Ministarstvo privrede Kantona Sarajevo**

Na osnovu člana 24. Zakona o novčanim podsticajima u poljoprivredi na području Kantona Sarajevo ("Službene novine Kantona Sarajevo", br. 1/12 i 15/13), ministar privrede donosi

**PRAVILNIK****O IZMJENAMA I DOPUNAMA PRAVILNIKA O  
POSEBNIM USLOVIMA ZA OSTVARENJE PRAVA NA  
NOVČANI PODSTICAJ**

## Član 1.

(Izmjena i dopuna člana 2.)

- (1) U Pravilniku o posebnim uslovima za ostvarenje prava na novčani podsticaj ("Službene novine Kantona Sarajevo", br. 21/13, 39/14, 20/17, 22/19, 9/22 i 14/23) u članu 2. tačka 10. mijenja se i glasi:
- "10. Poljoprivredna mehanizacija podrazumijeva kombajn, traktor (osim kvada), motokultivator minimalne snage 6 kW, mini utovarivač za peradarsku farmu (maksimalne nosivosti do 3 tone i maksimalne snage do 30 kW), čeonu strižnu kosačicu minimalne snage 4 kW i motokopačicu minimalne snage 4 kW;"

- (2) U tački 13. iza riječi: "proizvodnja", dodaju se riječi: "i klasirka za jaja".

## Član 2.

(Dopuna člana 14.)

- U članu 14. u stavu (2) u tački a) iza riječi: "junice", dodaju se riječi: "i pasošima od junica".

## Član 3.

(Izmjena člana 37.)

Član 37. mijenja se i glasi:

"Član 37.

(Kupovina nove mehanizacije, priključnih sredstava i opreme u biljnoj i animalnoj proizvodnji)

- (1) Za ostvarenje prava na novčani podsticaj za kupovinu nove poljoprivredne mehanizacije, priključnih sredstava i opreme u biljnoj i animalnoj proizvodnji kandidat treba da ispunjava slijedeće posebne uslove:
- da je u tekućoj godini kupio novu poljoprivrednu mehanizaciju, priključna sredstva i opremu u biljnoj i animalnoj proizvodnji;
  - novu mehanizaciju, priključna sredstva i opremu u biljnoj i animalnoj proizvodnji kandidat može kupovati pojedinačno;
  - da je registrovao mehanizaciju koja podliježe registraciji.
- (2) Kandidat dokazuje ispunjavanje posebnih uslova iz stava (1) ovog člana slijedećom dokumentacijom:
- fakturom i fiskalnim računom o kupovini nove poljoprivredne mehanizacije, priključnih sredstava i opreme u biljnoj i animalnoj proizvodnji, a kandidati obrtnici i pravna lica i izvodom iz banke o kupovini nove poljoprivredne mehanizacije, priključnih sredstava i opreme u biljnoj i animalnoj proizvodnji;
  - saobraćajnom dozvolom za mehanizaciju i priključna sredstva koja se registruju;
  - ovjerenom listom stalnih sredstava (samo obrtnici i pravna lica).
- (3) Izjavu ovjerenu u općini da će poljoprivrednu mehanizaciju, priključna sredstva i opremu u biljnoj i animalnoj proizvodnji koristiti isključivo na poljoprivrednom gazdinstvu i da istu neće prodati ili davati u zakup narednih pet godina od dana ostvarivanja novčanih podsticaja.
- (4) Opremu i mehanizaciju koja prelazi vrijednost 10.000,00 KM službenici Odjeljenja su dužni fotografisati na licu mjesta."

## Član 4.

(Dopuna člana 38.)

U članu 38. u stavu (2) iza tačke d), dodaje se nova tačka e) koja glasi:

- "e) fakturam i fiskalnim računom o kupovini priplodnih junica, a kandidati obrtnici i pravna lica i izvodom iz banke o kupovini priplodnih junica."

## Član 5.

(Stupanje na snagu)

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 07-06-02-3740  
22. februara 2024. godine  
Sarajevo

Ministar  
**Zlatko Mijatović, s. r.**

Na osnovu člana 56. stav (2) i člana 66. st. (1) i (2) Zakona o organizaciji uprave u Federaciji Bosne i Hercegovine